

‘DUA’

**Ya Rab, Matah e Hayat Se, Bari e Umang Kar De
Siya Salsaal Hoon, Hathoon Se Apne Rang Kar De**

**Jis Tarah Chand O Suraj Chalte Hain, Waqt e Maqarrar Per
Siraat e Mustaqeem Ka Mujhko Paband Kar De**

**Jahan Jabee(n) Jhuka Doon Wahan Kabah Kar De
Mere Sajdoon Ko Itna To Mohtaber Kar De**

**Bhatak Raha Hoon Dar Ba Dar Teri Talash Mein Mawla
Meri Is Khoj e Kamil Ko Muqammal Kar De**

**Manind E Zandan Hai, Duniya Momin Ke Liye
Tu Mere Safar e Hayat Ko Mukhtassar Kar De**

**Na Ho Khof e Jahannum, Na Lalach Jannat Ki
Meri Ibadat Sirf Tere Liye Muqarrar Kar De**

**Yeh Munasib Nahi Naist Ho Jao Ek Sanam Ke Liye
La Zawaal Ho Jaye, Nafs Jo Fanaa Karde**

**Ker Khairaat, Roz e Hashar Zer e Saaya Hoga
Kisi Miskeen Ko Do Roti Ata Kar De**

**Apna Darjah, Sufioo(n) Se Buland Kar
Dars e Qura(n) Ko Aml e Roz Marrah Kar De**

**Na Ho Ga Jahan Mein Koi Hasid Tera
Apni Khushiyaan Zamane Pe Nichawar Karde**

**Tera Saaya Bhi Jag Magaye Ga Saahil
Lo e Furqan Se Khud Ko Munawar Kar De**

“  aahil ”